

聞
音
室
詩
集

聞音室詩集卷三

金山王嘉會漢鑑

閱水集

宣沙視牧圖爲給諫徐虞門題

史申義有記

太行山勢高插天北趨紫塞來蜿蜒左控三關右宣府
重關綰轂當其巔關門直北陵風烟內置居庸外萬全
古之上谷界戎索山障複疊遮窮邊先生作宰臨城下
風吹草低霜滿野天閑牧廠舊有之駟駱雕駟一萬馬
維公畜牧得其方百二十日馬斯臧天駟流虹吐光怪
矯矯龍性超騰驤大府封章報嘉政使節庸勛降殊命

青瑣門邊拜夕郎竹埤梧掖聲華盛君不聞張奐行部
先零羌使金如粟馬如羊又不聞伏波銅馬真雄壯駱
越東阿盡殊狀鴻臚寫真傳此圖風沙漠漠開戎帳赤
電花驄非一名至今想像神猶王嗚呼埽除一室誠非
難食肉萬里豈等閒帷車新婦不足數款段鄉里多苦
顏如公此圖以馬喻貴且倣倣姿雄妍男兒立身在坦
蕩穹廬雲直捎旌竿今年

王師收滇海西南戰馬千蹄盤羽書旁午征調急金繒
市價高於山使公監牧閱神駿呼風整轡陵朱鳶高才
濟世良不易舉頭落落軍都關

芳草

千層濃綠曉氤氲春晚芳菲杳莫分陌上流光真似水
樓頭好夢又如雲採珠羅襪憐朝露簇蝶泥裙罷夕熏
曾記年時澆酒處繁香吹徧小桃墳

楊華

萍蹤何處最相關冉冉芳馨杳莫攀乍被流風高復下
又隨遠道去仍還漢南歸客愁心迴汴水離宮落照閒
往事傷春倍怊悵典釵曾困酒鑪間

塵

幾層高颺幾層低漠漠浮漚望亦齊窗外有時飛野馬

壺中何處舞醯雞一丸香界應難著半偈寒山許其攜
指點天瓶雲水淨不須籠眼是琉璃

沙

清溪湖落水痕長翠竹江村淨似霜靈塢未成衣欲綻
恒河如故鬢先蒼黃雲北去關重疊白馬西來路渺茫
似我十年蒸未熟漫抄雲子認春梁

翠竹江村圖爲進士喬鵬村題

問君何不飛而食肉愛此秋原數竿之脩竹問君何不
蓋而乘軒守此枳籬半畝之江村江村寂寞月色升黃
昏倒景清溪滉朗翻銀盆風梢雨鐸一片秋烟屯紅泉

綠篠相和淒音繁君執麈尾氣貌何其溫頗似角巾送
客臨柴門豈不憶前年泰安山色崔無垠雪花如掌打
頭席帽風中掀寒林斷續片片烏鴉翻馬蹄欲脫短策
不得捫燎衣對竈豆粥勞壺食京雒餽舍聚處如弟昆
朝挹西山爽氣手拂樽桑暎振衣五華下視河流渾軍
都古塞四面如綠垣龍沙馬色駢駱駢駟泊乎黃金
射策跌蕩排天闡詞濤滾滾八九雲夢胸中吞快意何
啻天池浩蕩游靈鯤忽然南歷斗狼筈壁鼓柁浮湘沅
美人山鬼悽惻愁吟魂西游隴坂賀蘭山下窺河源荒
城古戍憑弔親討論年纔弱冠萬里隨蹄轅若使寫真

傳世永勿謾豈不足以驚彼蟲處禪何爲寂寂圖此雕
陵樊君乃答云休矣公無言

河間道中雜詠

雲裝纔卸又征衣林下徒勞話息機夢到松陵三日雨
柳塘水滿鰕魚肥

茗帚相於埽地時寒山半偈我曾持而今抖擻塵千斛
贏得山花笑鬢絲

十年京雒數交游幾處高原宿草愁猶有羊曇頌華屋

春風吹淚到西州

感范黃門凡野高蕙
圃張少華雨中翰也

猿鶴依依蕙帳空草堂有約十年中難忘衡嶽峯頭語

記取鑪邊芋火紅

休言仙侶接蓬萊
席帽經過首重回
秋雨賓鴻春社燕
關河搖落卅年來

草沒離亭夕照邊
九河形勢總茫然
那論人世滄桑事
馬首衝雲更著鞭

大雪同胡含川

珊

往圓明園小憩天福樓

短日催寒雪意繁
趨陪同到絢春園

園爲尹文端公賜第

浮空

壁樹排仙島幾陣宮鴉出

禁垣歸路只愁魚鑰上
登樓且喜酒杯溫
回思驢背閒吟日
窈窕溪山取次論

奉送秦西巖前輩奉養南歸揚州二十八韻

淮海文章伯，雲霞鬱翰林。英聲蜚閭苑，昭質抱天琛。在昔游京國，相於筮盍簪。人倫宗月旦，姻婭託苔岑。元理超譚麀，清詞叶雅琴。葯欄春艷艷，賭墅夜沉沉。澹墨羊裘灑，穠花謝屐尋。南州頻下榻，漢上更題襟。蓬梗常飄轉，關河屢滯淫。行藏驚歲晚，離合感時侵。矯跡崇賢地，扶輪大雅心。連茵方省闕，雙旆又江潯。衡碣鸞飄字，湘波雁斷吟。朝雲虛館散，叢竹古祠森。舊跡紛無數，幽情渺不禁。三年資幕府，千騎出巴黔。廉袴來何暮，襄碑去尚欽。帳空陶侃壁，塵積范丹鸞。復有青門合，偏憐祖帳

臨輕軒長日御別酒夕陽斟北隴朝逋客南枝羨越禽
西清仍舊典東觀憶名箴潞水抽帆遠燕臺隱樹深全
家移岳澧計里達焦金山色連城郭江潮自古今奉匱
雲作確步屨翠成陰遠道風兼雨羈懷商與參綵衣趨
府日珍重賁瑤音

夢游雲海圖爲沈夢羅

璧琮

作

海色開空濶雲容切太虛偶因清夢入始得雅懷舒靈
境何年闢釣天總不如銅陵思我友曾寄一行書
昨歲登華頂兜羅霧欲封披圖覲雲海彌望更溶溶幾
度安禪地回看始信峯清游如可繼吾亦欲攜筇

燈詩二十六韻

啟戶明星遶披帷一盞燈相依孤館久坐對旅愁增鐵
缺何年棄銅荷永夜承燄寒珠未吐花燼蠟初凝薄蝕
重行字徐融一寸冰羈懷隨轉側意態失飛騰幾處堆
香甲誰家貼綵綾相於元夕賞彌念畫樓登火樹干枝
合金釭二等稱舞衫撩欲墜梁燕宿偏憎晃朗瓊釵列
熒煌寶帳層直教銀海眩那藉月波激誰使貂裘客翻
同雁舍僧沉吟惟面壁徒倚但搢藤官燭分難得叢編
校尙能昏黃時作隸虛白影添朋跋短憐風逼煤長苦
霧蒸殘年眞破耗此夕其模稜蕭寺鐘催曙蘭臺鼓聽

鑿齒杯空俯仰拓戟罷憑陵半臂銷何有雙蓮撒可曾
淚深何待替書杳竟無徵屏繚童常觸簾疏鼠或乘悠
揚心欲折斷續夢誰憑耿耿歌頽憤幢幢枕曲肱西窗
他日話更僕恐難勝

和同年陸磻士

費堉

除夕四首

電謝流光莫可稽軟紅歷碌笑雞栖料量幸有千金帚
拂拭憐無一寸犀木榻頻移還遲客錦囊雖破尙煩奚
從教盡日開三徑寄謝高人鳳字題

右埽塵

那得珊瑚位置渠縱橫聊伴一牀書封侯有分當投汝
食肉無緣忍棄余三歲塗鴉猶戀此經年畫虎竟何如

殷勤更向東皇祝莫放穠花夢裏疏

右封筆

一年常守一奩塵子墨終朝驢磨頻擁案火攻非得已

承檐水碓卻翻新揮犀有客譚陳迹磨盾輪他作替人

寄語諸生且休矣暫教清淨待明春

右滌研

擬將唐肆一椽居計簿勾稽盡破除偏與麻姑爭狡獪

博他錢虜特軒渠珠看如意從人示符號詒癡儘自儲

更遣低枝爲埽跡招要再集酒人車

右畢債

秦澗泉前輩

大士

柴門臨水稻花香圖

秋原闊遠田每每霜畦一夜金翦催雲漿湛沃蓓蕾坼
香氣坱鬱柴門隈柴門倚樹几杖淨經霜木葉丹黃堆

舍南舍北盡秋水碧山學士披圖開先生本是香案吏
金貂出入承華地寶冊封函流火篇大文珥筆嘉禾記
前輩飛騰鰲背行後賢接軌螭頭侍海內詞科豈乏人
洪王家學誰能企偶然絹素寄清娛蟹稻江鄉樂事殊
靈禾嘉穀歲其有何事問喘茆檐隅寧同杜甫淹茅屋
不學陶潛計稻區明年有

詔觀豐穎更寫東田刈穫圖

移居四首

搖落羈縻有歲年書倉茶臼七回遷空懷陸曉池邊柳
曾與礪土有並宅之訂差勝張融岸上船近市關心增物價卜居

得計減租錢夜窗翦燭良朋集特爲分留一架椽

塗墍繚垣計總非未成夏屋典春衣將開花徑瓜牛小
卻整書籤脉望肥居傍雙林緣稍謝坐聽今雨跡應稀

買隣並宅終難得躡屐頻須一款扉

玉臺磴土舊曾隣並

莫憶城南尺五天乍堪容膝便盤桓一官瑣闥居何有

舊邸樊川賃亦難紅藥當階春欲暮綠苔生閣感無端

沈吟往日諸郎座剛得華嚴指一彈

舊邸畫筋齋花時芍藥最盛

此生蹤跡本萍浮海國松筠隔幾秋亦有故園成悵望
竟爲吾土暫淹留鴻飛那計東西路龍卧何當上下樓

玉臺贈詩有祇應一事君輪我日日看山坐小樓之句

款段澤車無限好宦情終

異少年游

積雪小山爲陸磴士賦

十年夢西山勝具未能辦步出城西門
婉孌勞迴盼蕭晨過頤齋忽湧峯巒幻
几席見小山洞壑參差間小山大何許
三分蓮花瓣上盤青雲梯下歷丹霞澗
空濛太古雪苞裏苔衣綻取徑得側峯
天嶠循雲棧豁然厓口開車轂不容綰
藐茲造化工神秀何由鏟纖毫鑿竅出
眞宰亦憂患後人苦少見坐我言欺謾
欺謾且莫論塵土我何慣寄謝西山游
此間坐良宴

上元燈市

天街燈市燦星繁令節年年記上元魚鑰千門宵尙徹
鈿車九陌夜仍喧鉤心寶幄流蘇繞落帶金釭火齊溫
簇簇羅紈聲綵繚翩翩鸞鳳勢騰鸞重行璧樹瓊仙島
五尺珊瑚石友園縹緲笙歌天上有光明樓閣畫中論
幾人聯袂圍場屋有客飛箋侍

禁垣還與卿雲同一色自燃官燭賦承
恩

填倉詞

新正廿五日辛酉填倉吉日日德守綵幡元旦逢咬春
燈市初過又燕九

帝京景物劇繁華令節家家誰肯負客來飲啖不放空
驚倒侏儒飽先走今年治水有八龍農得安眠耕輟耦
五風十雨祝太平穡滿倉箱粟盈缶葢我屋上三重茅
縛我竈下千金帚豐年豈但樂村翁雀鼠跳踉先上壽
秋日偕王西園寬秦端崖潮雨行陶然亭和田少
宰雪霽登臨之韻

相約于郊晝欲陰孤亭木末暢登臨纔經風雨紛如積
隨意丹黃染便深蕭寺只容名士屐雪窗猶憶侍郎吟
荻花秋水城南路杖策年來幾度尋

塵海駸駸百慮攢去來彈指總無端蒼茫陳迹興懷易

平遠秋林入畫難，枯木偶拈香几淨。
飛花欲墮石幢寒，登高何必重陽節。
暇日清游已盡歡。

西郊卽事歸飲黃芝雲

良棟

寓堂賞菊

行過高梁西復西，西山寒翠撲人低。
秋林半入倪黃畫，莫便忽忽信馬蹄。

欲訪青松百尺姿，無緣初地路威遲。
直門禁鑰傳呼早，剛趁斜陽到酒旗。

約游萬壽寺不果

暫脫烏紗抖擻塵，當杯又喜酒沾脣。
我生可醒仍堪醉，一任黃華冷笑人。

秋日城東泛舟次陸磻士韻

佳辰寒泛記清游特向城隅飢小舟跨石飛梁疑瀑瀉
穿蘆弱纜信風柔回思射鴨江鄉樂瞥見呼鷹野岸秋
物色隨時成勝概得閒便是水雲儔

癸巳閏三月三日翁學士覃溪招同錢宮詹蔣石
錢學士辛楣曹光祿慕齋曹中允習菴嚴侍讀
冬友程吏部魚門姚禮部姬傳姚編修雪門城
南修禊歸飲覃溪蘇米齋

西紅門外水一曲抱城闔有約重修禊相於賦冶春湖
光初過雨柳色漸宜人稍得江鄉趣渾忘十丈塵

昔歲山陰道忽值禁烟清游千載上作賦幾人傳塵

海題襟日鶯花解禊天迫陪諸老宿觴詠亦留連

王西園七夕送兵詩以調之

沈沈雲幄望如何夜領兵符按隊過豈意美人隔秋水
卻教壯士挽天河星橋橫絕旄頭迴羽帳盤空鵲尾訛
漫說人間惓惓事中秋重約對姮娥

杜詩城頭
烏尾訛

喬鷗村宰滿城贈五花馬一匹名雲滿身旣賦詩

誌謝兼令畫師作圖

喬公贈我一匹馬云是得之古北野一團玉雪天上來
中有桃花千百朵矯若龍變性更馴行步旣工馳亦可
朝來蹙踏長楸下錦帕模糊玉作把驕嘶不肯渡平津

得意常看盤大厦是中意態誰得之不遇曹韓那復寫今年

天子盛文昌集賢清秘生輝光親王宰相領書局登瀛
列仗如馬行我坐桃花朝進院桃花紅落驂驪汗卓立
眞憐駉駉梯分曹卻愧麒麟楨曉上天橋碧玉流晚隨
禁樹紅牆遠顧盼渾同烈士心迴翔卻聘詞臣健聞君
日夕送兵符冠蓋數輩臨郊衢馬官監牧會翦剔羽林
萬帳紛駉駉眼中神駿常難覲坐愛搖鞭到玉廬

題吳江張秀谷平波臺垂釣圖

昔年曾渡吳江水春水方生浩如駛往來不上平波臺

西望垂虹竟誰是平波百尺清景寬
揭來時憶吳江船
偶見吳船心獨喜釣師那羨紅衣美
江上曾傳漁父詞
居人愛說松陵里春水春帆浪接天
雲光潭影常如此
我亦菰蘆一輩人披圖思逐秋風起

題李少空西華前輩賞番圖

東海之南南海東混元一氣開鴻濛
臺灣斗絕二千里
是有保障東南功

帝命重臣歲巡視傳以節鉞專其雄
周巡盧躋踰一紀
海山照曜旌旗紅詩書金粟盡羅致
百輩歡躍鰕鰂同
百餘年來海氛靖天邊早掛扶桑弓
以時申禁閱軍實

要以威德揚

皇風維時日當星鳥中超越溟渤神靈通風謠揚推資
故實刻畫海物搜魚龍長篇巨麗發光怪更遺圖畫垂
無窮

少空有賞番
圖百韻詩

題二銘張丈

景星

倡梅圖

西圃吾常憩披圖發興新作花欺蝶翅偃幹想龍鱗閱
水流光逝搏香小夢頻何當一尊酒仍與畫檐巡

題綠萼梅畫冊

故園小別輒經時眼底分明見一枝同是冰心照幽獨
羌無雪意助妍姿紗窗被酒人猶在翠羽生寒夢自疑

只有陳王最寥寂綠苔凝樹獨沈思

送楊季堂再入關中

花妥津亭柳拂鞍送君西笑入長安
二陵風雨黃河雪昔歲曾經到賀蘭

故人奉

詔得生還聞說春來進玉關
此去倘逢關外客春風絕域鬢毛斑

燕秦游跡紀平生作健常輕萬里行
一榻南州猶好在嶽雲河樹迴含情

鄠杜花明繡嶺長計程首夏到咸陽
并梧幕府蓮花帳

尺素秋來定一行

送姚姬傳前輩

熊給假南歸

承華兩載得周旋，離別東風又禁烟。
芸館校書頻問字，草橋修禊共飛箋。
卻看客鬢滄波外，頓觸鄉心折柳前。
輸與江南老桑苧，五湖浩蕩白鷗天。

爲友人題蒼茫獨立圖卽送之滇中

夙抱敦琴書，雅慕杜陵客。
文薄當時體，詩嚴老去律。
昔游燕趙郊，裘馬曜衢術。
今茲官滇南，吏治尙寧謐。
風雅有代興，才力爲時出。
南中氣候暖，花木映瑤帙。
勝引撰良辰，壯彩橫飛逸。
昆明平如掌，曠望寥天一。
何必樂旂

聞音室詩集

卷三

三

園悵悵青春日飄搖白髮翁酒罷吟蕭瑟

題崑山孫丈又園畫竹冊次西峯韻

婉孌崑山憶古歡晴窗貌得竹千竿似披風雨常聞嘯
欲掣蛟螭不肯蟠半塢流雲催上番一老瘦石更增寒
蘇門鸞鳳音猶昔想像冲襟盡日看

七月六日同年陳玉臺

昌圖

黃芝雲

良棟

王西園

寬南西門看荷憩中頂寺

赤燦七月未弛令密雲似約西郊迎觸熱難爲出郭游
趁涼便發看花興眼窮村市得幽期路入陂塘漸佳勝
朱華昌水得千莖綠葉吹香紛萬柄不愁翠黛溼燕姬

只少沙棠發吳詠誰家老樹隱雙扉別踐荒塗叩三徑
古碑剝蝕苔蘚斑華屋敲斜金粉臘森森槐柳蟬吟風
渺渺荻蒲魚動鏡出林高剝倚晴空入寺長松盤古橫
怖鴿無聲禪自棲勝幡不動香初定一榻清嚴足小休
八窗豁達同支凭周遭水木隨地寬散亂鳬鷺極天淨
瓜茶偏坐引壺觴菱芡堆盤雜餠餌解縛初融冰炭腸
縱譚端合菰蘆性同心自契雲霞交歡趣無須絲竹請
小集今朝中頂游紀時明夕雙星負轉眼濃春芍藥開
車傍掛酒還期更

勸客遠游

聞音室詩集

卷三

古

驅車莫上太行山
駕舟莫涉瞿塘渡
太行山高老熊臥
瞿塘水惡蛟龍怒
行人到此嗟離苦
君不能學秦王鞭
石橫飛梁何爲駕
舟涉瞿塘又不能
學巨靈高掌分崇
岡何爲驅車上太
行太行倚天勢
嶄絕勸君不如乘
車入鼠穴
瞿塘如馬不可當
勸君不如操舟置
坳堂迂迴偪仄
毋乃拙噫不見飼
豺狼兮化魚鼈

對酒歌

圓天爲車籠四野
有似周陟量牛馬
陰陽爲炭萬物銅
豐隆奮椎融大冶
日月刺促如鸞輪
帝命鬼伯箕斂魂
百年精魄不可駐
豐肌奇骨同山原
落寞復落寞
寔仙不

可求功名或可託十年仰面看屋梁奈爾聲華又蕭索
君不見杜征南藏碑陵谷窮鐫鑱又不見齊杵臼牛山
危涕沾裳袖千古悠悠是與非不如尊前勸爾一杯酒

送曹劍亭前輩

錫寶

督漕山左

新加觀察赴琅邪使節星瞻德水涯千衛雲屯森畫戟
一帆春浪送桃花幾曾輸輓資民力自有陳因屬
帝家長吏正勞紆碩畫卻令負海遍桑麻

前輩飛騰綺麗詞瀛洲亭接鳳凰池九秋才藻空梁苑

三載春流寫晉祠

自河南典試竣
卽視學山右

屈指幾年能聚首銜

杯此日又臨歧誰知黃葉雙林外一種羈心攬鬢絲

時寓

保安
寺側

棟鄂氏節烈詩明亭相國屬賦

勁響無懦絃貞姿有晚翠絃絕聲愈高翠寒節彌厲婉
彼淑慎女華閼盛門第婉德卜世婚鏘鳴叶中饋緬範
識家風憬儀動宗氏詩書夙所敦家慶從茲始何意君
子堂忽撓二豎崇無計返沈痾誰與偕沒齒誓仲鰥日
期姑待幽泉闕拭淚拜尊章含悽屬娣姒不忍俟天年
竟甘殉大義嗚呼節烈姿夫豈名所累志遂神亦恬理
得身乃致吾聞古姬姜其事列宋衛風詩流音聲魯史
備載記以之迪世風豈惟媿箕諱以之飭綱常豈惟勵

褻廁義心獨自鞭貞魄寧嗟額金石激悲辭竹素溢奇
氣行付館局修不煩門下議

寄懷秦端崖學使皖江四首

持節衡南紀儒林淵海同鳳條栖可借龍坂價彌崇江
色分揚子山光揖皖公近來推宛雅諸彥孰稱雄

落日銅陵道雙旌晚更移賓朋饒勝概山水發華滋僞
體裁流輩清才得我師遠懷兼屬和慙愧報瓊詞

來詩有今

夜銅陵道秋風
滯使車之句

諸公袞袞去同闔久周旋魚豕茫難測桐雷苦未傳昔
人嗤賤役今我抱遺編筆研殘叢裏驚心爲俸錢

時館中派

校書

客意殊寥落端居景易斜沈思當歲晏芳訊達京華閉
閣茶烟細開林雪意賒所嗟江路永無處寄梅花

綿潭山館十詠

葆真堂

排筌寄靈樞生白徵虛室昭質本無虧默契寥天一

訥菴

刃若吞於喉駟真不及舌勉旃慎樞機持此閱明哲

翠香閣

空翠潑山青交柯漸成幕豈無花氣香鼻觀須商略

律素書廳

唐述積靈編羽陵曝殘簡得之蟬蠹餘蔚爲龍虎轡

息軒

道本自爲謀學亦有所息袒衣林樾間視此負擔客

莓徑

頻依一寸岑不用千金請開徑獨相思風雨能來否

蓼陽茨室

結茅蓼山陽虛檐抗青壁最宜秋雨中據梧坐岑寂

待月簷

清輝如幽人深夜方入戶白露已盈階修篴尙延佇

聞音室詩集卷三

七

嘯雲樓

高雲鬱嵯峨倚檻胸爲盪山中鸞鳳音時時答樵響

澤花腴菜井

養花撰良辰種菜勗清課莫嫌汲井劬賢於橐駝坐

秋海棠謝泗亭屬賦

江燕無留影海棠還耐看倚風輕欲舉烘日艷猶寒小
別兼秋積叢香與夢殘誰能寫幽思清曉獨憑欄

西園有詩見示率爾奉報

僧寮花市接清游酒社頻頻掠杖頭客爲醇醪渾易醉
窗帷舊雨更宜秋但憑明鏡千絲髮莫話龍山半遶樓

我亦草堂在西郭不知騰笑幾時休秋來約西峯諸人會酒半西園輒引身卧矣龍山半巢西園家樓額也來詩有幾日橫雲山下路東風一葉共歸航之句故後半之及

一槍行

寒夜集須齋秋室舉殺虎令舉令者握子爲虎客先據一數以酒爲槍槍之數不限中則舉令者飲如槍數不舉槍者聽若數符而不舉槍是謂縱虎縱虎者罰客有四五槍不中者西園一槍輒獲之乃戲作一槍行

寒夜置酒客四五下令舉槍殺猛虎一客勇捷矜翹關

舉槍曾未摧其斑一客巧遲惜不發坐令於菟如兔脫
遲疑孟浪交相訾罰以巨觥公莫辭兵曹袖口持尺鐵
槍鋒所直虎吐舌舉觴岸幘神揚揚眾乃服此王鐵槍
吾聞殺虎不用縛得意當須縱其躍人譚殺虎我亦驚
此事乃以屬書生書生偶學健兒戲卻惱紅裘厭文字
賭勝只此杯酒間坐消長夜當殘年

飲西園吳艘見盆梅

棱棱殘雪積檐前八夜盆梅轉靚妍乍可橫斜邀燭影
不教熏觸近鑪烟相逢花市應饒笑小別溪橋動隔年
卻憶江鄉春事早銅坑香片最論錢

盆梅以香片爲貴

爲謝畊于題海山長嘯圖卽送之官河南鎮平縣
勃碣風雲總萬靈迢然長嘯入蒼冥蕭條迸散寒空裏
應有魚龍徹夜聽

海山蹙口一舒襟不辨鸞音與鳳音誰與評量終古事
蒼茫閱盡去來今

高空結響振林柯足躡靈鼇萬丈波一洗嘈嘈箏笛耳
始知爽籟得秋多

海色西風動碧梧蓬萊往日集靈芻煩君指點空濛處
金闕銀臺事有無

杜亭謝客昇簾輿海嶠登臨興未除此去攀蘿尋少室

河聲嶽色定何如

一片天光海鏡圓
褰裳何遽學飛仙
長風利涉須忠信
他日題公萬里船

偕西園雨宿澂懷園

並馬油雲裏到園
日已陰野花黃
匝逕夜雨綠開林
蕭瑟湖波闊留連
燭影深他時相憶
處應有對牀心

夜坐聞雁

倦羽何時戢雲濤
萬里天艱難猶戀
越羈泊尙留燕燭
燼盤旋落書籤次
第編不堪風雨夜
鄉思杳如年

集歸去來辭寄家兄舍弟故園諸老友

撫景聊求息容顏幾自疑亦知老將及遑問世相遺雲
壑有獨往琴尊非遠期吾生無善策游倦已經時

徐古愚老屋課孫圖

南隣鐘磬北隣竿步履春風樂事殊試與紀年推甲子
先生真是列仙儒

東臯數畝結廬深輶伏傳經異代心莫笑老夫生計拙
儒家那有一籛金

小學三倉解詁難攤書續誦夜鐙殘鳳雛驥子憐神俊
一例佳兒膝上看

澹沲春光眼底增石田茅屋長雲初君家學士才猶昔

僕射兒郎看代興

聞音室詩集卷二

門生介休劉錫五
子厓上海沈靜景廡校

聞音室詩集卷四

閼水集

趙北口四首

當年重鎮扼河東
躍馬公孫霸業空
今日十三橋上望
關門猶對夕陽紅

剩水殘山百戰收
石家遺賂起邊愁
金繒士馬如烟散
潭影雲光自在流

投鞭北去接滹沱
遼海求鷹戰伐多
誰識關河如畫裏
紅橋風捲綠楊波

漠漠河雲罨四圍清暉我亦澹忘歸紅欄綠浪晴空裏
歲歲楊花糝客衣

薊門雜詠十六首

黃金臺

碣石宮成擁彗從前王於此敝雄封高臺不惜中人產
利劍難銷名士胸未抵燕雲求駿馬虛勞楚國愛真龍
絕憐他日金丸進欲叩秦關百二重

李斯傳諸侯名士可下以財者厚遺

結之不肯者利劍刺之燕太子篇荆軻與太子游東宮池軻拾瓦投龜太子以金丸進之

李將軍射虎石

關門蕭瑟亂山秋飲羽遙看一箭留塞上自驚蹲石裂

草中應使伏菟愁空令飛將伸猿臂幾見封侯到虎頭
今日摩崖猶突兀無雙才氣古誰儔

樓桑村

樓桑十丈影童童誰爲提筐執婦功此日雄圖懷羽葆
他年靈識闢蠶叢新豐雞犬歸來晚舊社枌榆想望中
應共城南八百樹歲時遺愛走村翁

石季倫鐵甌

一鼓難爲賦鐵謀河陽別墅幾年留不隨寶物消千劫
應爲姬人鑄六州鋪地可曾依步障入雲端合結重樓
黃金當日爭能變誰遣齊奴詠白頭

聞音室詩集卷四

二

天寧寺塔鈴

靈刹雙扉塔影沈
承明奉勅建光林
誰聆替戾繡重譯
曾和迦陵寫妙音
入夜然燈紛紫焰
弄晴飛雪半黃金
參差不其爭絃奏
獨倚西風盡日吟

太岳集天寧寺塔殿門闔處觀之其

影倒懸忻津日記天寧寺在元魏爲光林有塔燈三百六十盞金海陵記宮殿之飾傳以黃金落屑如飛雪李義山詩風絃漢殿箏

劉去華祠

三殿傳宣啟正牙
上書容易得天涯
中朝涕淚存風漢
左仗干戈及大家
異代靈祠依璧水
當時吟卷對槐花
不知淪謫何年返
春雪黃陵日又斜

祠在昌平州學宮李義山哭劉司戶

詩他時相送處
春雪滿黃陵

賈閔仙墓

金鑄當年得未曾秋墳荒草訪遺脰
篇章瘦盡猶餘膽簿尉官閒本是僧
一掬井泉清更汲半牀琴薦冷於冰
誰人酌酒邛山下更爲窮交一撫膺

昌黎詩無本于爲文身大不及膽賈

詩一日不作詩心源如廢井朝來重汲引依舊得清冷
又朝饑詩夜聞西牀琴凍折兩三絃又哭孟郊詩塚近
登山路詩隨過海船昌黎詩孟郊死在北邙山

摩訶祖師遺跡

摩訶說法經行地靈跡猶傳異代疑
寒鉢盛花香自澹折鐺煮石熟何時
山中虎善聞蓮漏階下龍乖遁藕絲

不是祖師多幻術三幡義蘊更誰知帝京景物畧瑞雲寺有摩訶祖師法身有煮石鎔金宣宗曾取視以龍袂歸寺有摩訶捧龍石龍逸祖師追捧之今龍跡宛在石也

延芳淀

延芳晴漲碧於羅講武平津妮隊過八宴名王工詐馬
合圍美女競頭驚中流簫鼓裁詩少春水檣帆校獵多

一種雄心天漢外鷗兒軍至好橫戈

遼史延芳淀大數百里春時鷺鷥所

集國主春獵衛士皆衣墨綠水次擊鼓驚鷺稍離水面國主親放海東青擒之鷺墜得頭鷺者例賞銀絹國主皇族各有分地

佑勝教寺塔箭

諸天鐘磬寂無聞一塔蒼然倚夕曛絕頂銅標飛矢在

盤空鐵索畫檐紛遙憐上將同明月豈有男兒類霽雲
指點金源開國事路傍猶說故將軍名勝志佑勝教寺內建浮圖十三層
高二百八十尺塔頂有鐵箭相傳金將楊彥升所射

芙蓉殿

裂帛湖光漾碧空明昌曾此建離宮靈嶠寒瀉千條玉
曉鏡平流十丈虹遙憶秋河橫殿檻最宜初日映房櫳
朝來勅宴芳華閣抵得新妝一樣紅南濠集玉泉山金章宗嘗建行宮山之北麓鑿石爲螭頭泉從螭口出澗而爲池長安客話玉泉山以泉名泉出石隙水清而碧澗而爲池東跨石橋水經橋下東流入西湖山頂有金行宮芙蓉殿故址相傳章宗曾避暑于此帝京景物畧玉泉山根不數武裂帛湖也

李宸妃梳妝臺

帳殿晨梳髮鬢感時無復怨刀環隔紗度曲珠成串
倚閣吟秋月一彎別有脂田開禁苑那因花石念家山

新妝好試天魔舞莫爲青城減玉顏

金史章宗元妃李氏師兒大定末以

監戶女子入宮是時宮教張建教師兒以青紗隔障蔽內外映紗指字音聲清亮章宗納之進封元妃金臺集妝臺李妃所築妃嘗與章宗露坐上曰二人土上坐妃應聲曰一月日邊明大金國志妃嘗與上同輦過御龍橋見白石如雪白國主輦至芳華閣內侍余琬曰宣和運東南花石作艮嶽致亡國妃曰宣和之亡不緣此石乃用童貫梁師成故爾蓋譏琬也宸妃鄭氏南宋華原郡王居中之曾孫

萬松老人塔

無復珠庭畫影傳石幢花雨故依然曾攜雀扇遮西日

試撥鵠絃響夜泉高座自參儒佛旨清譚頻坐相王禪
不知汴蔡沉淪日野寺寒松閱幾年涿水亭雜識萬松
老人耶律文正王
之師也語文正王曰以儒治國以佛治心又善撫琴王
以承華殿春雷及種玉翁悲風譜贈之王嘗寄孔雀便
面附以詩云風流彩扇出西州寄與白蓮老社頭遮日
招風都不礙休從侍者索犀牛傳之法門亦佳話也帝
京景物畧金元間有僧自稱萬松野老耶律楚材見
之參學三年今有甌塔七級有石額曰萬松老人塔

白雲觀塑像

警涼神觀佛衣寒祠下穹碑燕九看雄主韜弓曾罷獵
羽流鑄印亦除官雲堂瓊島傳中禁虎幄冰桃山上闌
太息七真東海隱幾人說法向長安甘水仙源錄邱處
機大定間召見長
松島進瑤臺第一層曲脊遇至渥遺中使賜上林桃師
不食茶果十餘年矣至是取一啖之壬午見皇帝於大

雪山之陽又施瓊花烏爲萬安宮嗣其道者易其宮之
東甲第爲觀號曰白雲穀城山房筆塵七真之跡皆在
東海嶗山而邱處機爲元太祖所聘帝京景物畧白雲
觀塑邱真人人都人正月十九日致辭祠下謂之燕九草
木子邱公能燒金佐世祖軍國之用以功封以金印元
史太祖獵於山東馬踏處機諫曰天道好生太祖爲罷
獵

長春宮宣和鏡

靈波一握貯香臺幾載璫馱松漠來絕塞土花迷鳳篆
故宮秋影認鸞迴合依淨界裝明月誰拭癡銅辨劫灰
見說道陵開內宴可曾流彩到蓬萊元詩餘至元間詹正監醮長春宮見
丈室古鏡背有金刻宣和御寶四字因賦霓裳序詞有
龍章鳳刻是如兒女消得便孤了翠鸞何限人更在
天北之句太平清話金章宗蓬萊院內宴時所
陳玉器及玩好盈前視其款識多南宋宣和物

妙嚴公主拜磚

金輪臺殿護香烟，跌影深深膜拜年。
詞客不須嘲禁藥，祇林猶得賸花磚。
入奩可許成明鏡，布地眞應化寶蓮。
曾記穹廬寒賜酒，一燈禮佛懶朝天。
帝京景物畧元妙禮大土拜痕入磚歲久磚壞惟兩足痕存至正間順帝賜雪澗酒皇妹致膳傳燈錄南嶽懷讓禪師在馬祖菴前磨磚祖問要作甚麼讓曰欲得成鏡

猛虎行

白日當天行，猛虎不知畏。
吞噬千牛羊，淫虐肆無諱。
解一
牛羊不上山，妖狐乃詆欺。
睚眦百步威，坐令自困爲。
解二
林莽聲蕭蕭，落葉悲啼雨。
往哉棄空林，專意逐狗兔。
解三

聞音室詩集卷四

六

猛虎恃有牙不知竹可落猛虎恃有蹻不知繩可縛

四解

鵬蘇扼其吭獲夷抽其腸哀呼狐助之狐肯助汝彊

五解

溫虞公碑殘本仁和高樹穎集成四言詩得二百五十六字秋室有作屬余繼之

貞觀陪陵古碣森溫碑舊爲雨苔侵只因筆格齊虞褚補截珍同百衲琴

瘦如切玉勢藏梭拓本流傳幾剡藤岑撰無存歐法在又誰片石頌韓陵

裁璧聯珠異代新依然書版照千春珊瑚麗錦當時價潤筆應分集字人

銅研歌和同年吳念湖

人驥

韻卽送之官蓬萊縣

花石夜散艮嶽峯瓊華一島移江東蟾蜍滴淚杜鵑叫
河流綠髻磨精銅爾時此研隨浩劫鹽馱易水蘊泥中
土花久蝕發寒暄金精候氣騰光熊蓬萊先生好事者
搜奇大啟勾龍封當其雕琢出自穴後誰鎔冶旋相聯
摩娑金石水乳叶豈類窪穽尋崖徂卽今之官到東海
豈非有癖如南宮三壺遙列翠撲袖一閣飛躡雲磨胸
金繩紐斷芝檢墜猶得出匣搜荒窮三年吏治報嘉績
風謠要與桐鄉同爲公鐫碑頌遺愛持此銅研揮高宰
原詩序鄭官調自易攜贈硯一枚背裏以銅云野農掘地所得旁有錢數斛文皆元祐宣和當是北宋時入十

者

四月十八日自梁谷莊先歸同年張酉峯

書勲作

詩相送戲答

侍從秋蘭

輦路西朝來騎馬類雞栖紅門簇仗星初落曉帳移盤
月尚低早去得趨婪尾宴遲歸且寄柳陰隄到家爲報
平安信計日無煩錦字題

余自東紅門失馬借酉峯騎得達梁谷莊酉峯支帳柳陰

下時西園寓
芍藥正盛

送張酉峯典試湖北

西苑同分札青門屢餞筵雙旌朝日上鑠院夜珠懸翠

竹叢祠外梅花水閣邊
隔江多勝概一渡武昌船

海天

海天春思望無窮
萬里扶桑早掛弓
銅狄游仙清夢曉
玉杯上壽錦筵空
粥魚茶板樓船雨
馬槊貂褕舞袖風
陰火年年吹不息
倩誰把酒論英雄

尹似村

慶蘭

一枝巢看竹

年來頻過絢春園
紅牆碧樹晝悄然
今秋走馬平津里
北堂上壽交珠履
五侯門巷客還多
三徑雲霞君獨啟
短垣繚繞依華屋
手植江南數竿竹
不信城南尺五天
絕代佳人在空谷
佳人本是鳳與鸞
寄興卻在青雲端

聞音室詩集

卷四

八

有時商歌出金石風篠一嘯千琅玕豈有名園寄下杜
又誰游獵開藍田吾師七葉承朱戶後賢列宅惟環堵
諸昆千騎森畫戟惟君環堵無儋石直將貂組等浮埃
歲歲文窗對寒碧只此凌雲一寸心烟梢露壓更蕭森
寇公遺澤知何限留得清風滿竹林

聞音室消寒小集西園有作卽次其韻

紫筍鯉魚又入盤相逢不放酒杯闌石銚茗粥香初綻

西峯歸自湖北
贈陸安茶一篋

竹塢屏簫韻自寒

松崖歸自黔中
贈玉屏簫二枝永憶

關河頻送客最宜風雪且邀歡年來似我塵凝榭津鼓

馱鈴夢少安

予不出都門已八
年西園則十二年矣

再次前韻二首

星沒長河月隱盤短歌屬和興誰闌圍爐刻獸開尊暖

落紙驚鴻試手寒

每集必邀秋室作書

每愛景光徵讌集半由離

緒佐譚歡中年陶寫多佳趣絲竹無能仿謝安

雪壓城隅雕鶚盤崢嶸歲儻又將闌山中桂樹留人老

謂陳春田查映山

嶺外梅花送客寒

計春甫試事已畢計程已踰嶺而北

裘馬五

陵原不賤雲霞三徑有餘歡何當晚結宗雷社邱壑終

當位置安

祀竈次端崖韻三首

祝融附輿亦居尊

鄭注老婦名祝融

祀夕銅街爆竹喧司命莫

嫌麤糲薦老饕敢忘酒漿恩杖藜終歲謀升斗食肉何

年長子孫我據竈觚神久鑒懶將鬼謁向諸闈

杜詩妻兒負米

且歸去明日杖藜來細聽

熏然暖氣欲回春纔送雲車又洗塵水火不爭神亦喜

歲時無替禮從因傾筐常送園官菜東緼頻傳里婦薪

微俎分甘兒女鬧還聽鐘鼓震比隣

寓介玉皇廟保安寺

京華鄉國兩相望子婦還欣聚一堂丹鼎有人傳聖火

黃金無術驗仙方銅童入座應分肉太歲臨支好乞漿

太歲在酉乞漿得酒以今年丁酉故云

慚愧燔柴難舉禮卻歆澹泊意何

長

陳耕岩侍御

桂森

移寓橫街次西園韻一首

忽憶前年出宿郊，今來喜共卜誅茅。
掠錢入社仍泥_平，飲翦_平非張燈亦佐肴。
蹤跡難期三徑友，笑譚欲傲五陵交。
卽看風信催花信，老樹啼鷓綠滿梢。

西園邸舍西舫落成

纔過東船沙汭梢，又乘西舫淺于匏。
浮家近欲移茶竈，小築公方隱橘巢。
拄笏青濛山四壁，持竿綠淨水_平平坳。
坐來便有江天興，應免吳兒木石嘲。

哭張西峯

別去纔春半，秋深赴忽馳。
音容猶是昔，祿命竟如斯。
高

第君無憾窮交我獨思幾回搔短髮空有淚連絲
作宦依官舍還家訪舊廬未成丙舍帖空附秣陵書愛
女嗟何及遺孤尙藐諸黔婁猶有婦老病近何如

尋歡少暇晷有約必挑檠婪尾當三月圍鑪及二更張
衡常不樂王粲獨多情百感從消遣誰能一死生
永逝年彌促留連迹易陳故人今不見新鬼又誰隣落
日山陽笛秋風總帳塵天涯留滯久應絕動輪賓

天台萬年藤歌

吾聞天台一萬八千丈霜芽出地資膏壤盤擎質幹留
山阿垂如鐵鎖蜷如蟒鑿雪知同黃竹栽吹霞幾共紅

桃長阿誰翦此一枝藤磨崖赤斧伸高掌
廟處猶攜華頂雲馱來不用滇池象君
不見劉郎廳館不可登巾箱五岳娛真
賞又不見少文一室恣卧游孤琴四壁
傳清響徒抱區區濟勝情蓬壺天外馳
遐想豈知海山落我手烟霞供養神
恂悅花塢攜琴盡日留青山拂袖排雲
往老夫藉汝腰腳彊慎毋變滅飛林莽

送朱竹君前輩福建學使之任

舊日論文駐八騶今來又值海雲秋詩
篇過嶺從人寫金石開林待我讐風月
講堂猶自昔溪山佳客若爲酬遙知此
日東南士努力爭趨第一流

卅載同年白髮生西風別酒迴含情草茅頌義無門戶
海嶠掄才有弟兄玉節舊傳江上駐星軺今作越中行
何當翦燭陪鈴閣揚摧斯文坐二更

秋日

寂寂城南白板扉雙林門巷帶斜暉得閒偶學橐駝坐
小夢便隨胡蝶飛盤柄方圓真是拙桔槔俯仰總由機
山中叢桂垂垂老來歲王孫歸未歸

酒帘

高低一桁入林青俯仰征途閱醉醒時倚曉風楊柳岸
半鼓殘照短長亭當壚飄泊容狂態擊筑飛揚任涕零

可惜歡娛今老大十年燕市幾回經

板橋

家住江南罨畫溪流如駛板橋齊平分柳岸和鴉斷
遠架雲汀逐雁低時見一篙通野艇儘容雙屐點春泥
杖藜他日能相訪問訊梅花水竹西

野寺

渺渺平田日落時疎烟土銍冷相宜卻通曲逕芭籬繞
尚有秋林橘柚垂斷髻雀巢千歲佛壞牆牛礪六朝碑
等閒忽湧華嚴閣金碧中天轉眼移

廢園

樊杜何年舊賜莊朱門零落隱垂楊仙人忽洒金銅淚
鬼魅猶吹粉黛香蛺蝶飛來花寂寂蘼蕪斷處水茫茫
遙憐華屋生存日送老菟裘意計長

柳塘

樂游芳苑遶雲汀愁思無端入杳冥春暮欲吹千樹雪
風迴猶約半池萍踏花愛看青驄渡載酒偏宜畫舫停
莫話謝橋烟雨裏年來和夢未曾經

花塢

不辨巫雲與蜀雲又教胡蝶夢紛紜卷簾細雨寒猶淺
隔院流鶯曉更聞誰遣花奴催急鼓從知酒社有移文

寄言小閣調箏女陌上韶光已十分

菜圃

廣宅良田志太迂春蔬秋韭晚堪娛一鋤未足消英氣
三策誰能學老儒下箸僅容充野菽傾筐應不餉官廚
脩筒接水尋常事檢點山園付獠奴

漁莊

老去爲漁計亦良生平意趣託濠梁
廛居水裔緡錢少溪遶桃花屋舍藏
小市趁晴朝晒網空江和雨夜鳴榔
誰能乞取五湖長放艇滄波極渺茫

題禮堂年伯校史圖

史筆如山手獨裁
龍門蘭棧有顏裴
流連鉛槧忘宵永
一任迴廊蠟淚堆

六曲屏山燭影紆
兩行紅袖列官奴
不知午夜裁宮錦
消得春寒半臂無

廣庭虛夜鬪明妝
得侍才人玉軸旁
從此錦帷風雪裏
懶將絲管按伊涼

詠虞美人

花殘如破陣有美尚名虞
委地心先盡爲叢態亦殊
膩香終裊濕喚舞且躊躕
廣額虛煩埽纖腰不自扶
含情辭故國望遠託春燕
衣合裁雲得裊猶簇蝶無
夜吟依

月榭曉夢踐椒塗楚調真煩鬱因君碎唾壺

贈張澹遠

曲港蕭蕭水蔚藍板橋淮雨隔江潭美人贈遠愁吟四
花月情深影其三一卷珊瑚裁僞體半枝松塵接清譚
相於暇日論風雅載酒題襟續漢南

和夢堂先生借山樓新成原韻

雙旌退食開烟逕小隊花間似彩艘畫裏溪山排坐闥
壺中日月倚晴窗久知第不容旋馬何用樓成號合江
更愛昆明澂翠岫春波沿綠想琤淙

曉次望都待渡

長隄雨歇漲初消猶有沙痕沒柳腰何似江鄉三月暮
柳陰一曲水平橋

雨

碧樹紅泉石蘚滋山程長短馬行遲旗亭坐聽瀟瀟雨
只少黃河遠上詞

壽陽驛

要將鐵券息紛爭河朔年年苦用兵柳絮飛花桃破萼
故園何事迴含情

井陘關

鼓行直出井陘口重關綰轂竟不守拔幟爲乘空壁爭

隻輪幸脫左車手擊龍虜豹籌策神泝水一戰尤超倫
當時共笑王孫怯今日方驚大將真巖疆衿帶堪憑恃
紛紛幾輩來家此不信羣雄併力爭戰場只在斜陽裏
殘暑初消未作霜關門柳色欲微黃他時馬首秋雲裏
莫遣涼蟬帶夕陽

贈故關柳

關中贈陳侍御

桂森

當年同到大羅天喜近秋期玉鑑懸作賦敢居枚叟右
論文應讓孔璋先靈珠徑寸人皆握敝帚千金孰肯捐
猶憶風簾殘燭裏沈沈促漏夜茫然

歸自山右徐玉崖

長發

招飲

盡戢譚藝互紛紜小語叢殘亦足聞歸日正隨汾水雁
鄉心時寄隴頭雲詩成不用觥籌罰酒倦無須斗石分
屈指交游俱老大幾人載筆幾從軍

李琪園前輩示阿彌陀佛銅碑屬賦

碑文附錄

夫眞容疑寂應身淨

慧日振暉慈

風化物託儀金玉寫質丹青勝範良規敢不傾
愿佛弟子趙婆長孫阿薄合義等敬造阿彌陀
像一軀上爲帝主師僧父母法界衆生其成佛
道貞觀廿一年正月八日

天花四照瓶沙園華嚴樓閣開諸天巾拂舄杖旌幢旃
蕭梁繪事尤精妍虎頭神妙世無傳何如金鑄貞而堅
香嚴寶相光明拳黃絹綺麗文辭鏤碑身不及一瓣蓮
分行結體紛翩躑錯刀刻畫如蠶眠筆格婉弱疑嬋娟
仙人嘯樹陵紫烟簪花旖旎撥鐙旋斑剝細字青紅鮮
把玩莫辨跟肘聯款識貞觀廿一年

陸氏寒山舊廬用桐城張文端公韻

曾爲豪家占此邱後來幾輩接清游據梧暇日看調鶴
讀畫何人好倚樓往事玉津成浩劫一時金谷亦風流
勝他冷泊吳淞上漁火江楓引客愁

喜園丁送梅花至和陸丈葵霑

梅信無須計早遲
忽然破臘鬪南枝
何如忍凍空山裏
不聽江城玉笛吹

灞橋風雪總無詩
刻意愁吟也覺癡
我惜傳停終不嫁
萬峯香雪有奇姿

人見梅花眼自青
香嚴綈几傍南櫺
此時其賞繁英好
未必輸他放鶴亭

綠萼丹砂盡吐英
擔來花市一肩橫
愛他菜把猶餘味
況此香南雪北盟

聞音室詩集卷四終

外孫上海李鍾浩孟涵
孫壻婁縣朱大韶仲均校

聞音室遺文附刻

金山王嘉曾漢儀

制草

祭空吉斯河文

維

神靈源夙著遐澤誕敷潤西域之神臯灌輸攸賴隸北
廷之都護耕牧稱繁巨嶺東來東岡巒之蜿蜒大河西
折作襟帶於伊犁環絕域以揚流列地靈而播德含滋
有慶命典聿昭朕撫恤華夷奠平沙漠軫羣黎之日用
期以飲和撫部落於遐荒功惟作潤念茲

神爽之式憑實爲巨川之利濟百靈効順聲威迄環海
而遙萬國承流王會叶東風而至在昔飲馬長江之日
旣慶激波卽今洗兵遼海之年爰霽膏澤特詔祠官載
隆望秩練時日以潔蠲屆春秋而享祀牲牢備舉式昭
沃衍之庥報饗孔虔克集懷柔之福承茲永秩尙其
來歆

祭和落霍斯河文

維

神德配元冥位居兌澤播土膏之沃衍利濟無方潤絕
域之奧區朝宗有本達洪波而遠邁直接伊犁滙衆派
以支分近聯策集著靈淵之溥博允祀典之懋昭朕撫
定遐陬奠寧夷部剪準噶爾之餘孽罔冀負隅俘渥赭
特於重圍勢窮飛渡惟

神功之設險乃餘寇之削平當逆酋亡命穹廬傳鶴唳
而先驚值王旅宣威士馬挾風濤而俱迅載揚赫濯允
答懷柔頒典禮於祠官春秋再舉薦馨聞於柴望辛甲

同子三三三
爰諏殷禮肇稱永式激清而燕喜圖經備載聿昭漸被
之鴻庥薦此苾芬尙其

肸鬯

經

進文

恭祝

皇上六旬萬壽頌

謹序

頌集經傳序集文選

臣聞理之所開

演連

天人並應

講德

三光宣精

靈臺

五

星同晷

述高帝紀

必生聖明之君

運命

以紀帝王之道

移書太常

博士德動天地

六代論

明並日月

石闕銘

是以六合元亨

景福殿賦

萬寶增煥

出師頌

大化既洽

演連

洪洞朗天

講德

自古迄

今

劍閣銘

其揆一也

石闕銘

臣竊見海內清平

兩都賦序

自古迄

聖朝洪開曠蕩

陳琳文

宮鄰昭泰

王融曲水詩序

函夏謐寧

七重命

謝詩書文付刊

頌

三

熙而累洽

東都賦

百有餘年矣

賈誼論

伏惟

陛下

李善表

膺錄受符

華林園集詩

重光相襲

爲石書

躬聖明之

資

六代論

垂仁義之統

蜀父老文

剛柔迭用

謝靈運論

文質相濟

論

布德惠

東方朔論

履純仁

講德論

霧涌雲蒸

劉峻論

澤無不漸

齊安陸碑

故烟煴相感

劉峻論

與造化合符

新刻漏銘

蕩乎大乎

論

太平之功

講德論

有隆焉者爾

五等論

且天子有道

東京賦

無以加於孝乎

藉田賦

今

聖德隆盛

講德論

稟仰太和

答賓戲

出

龍樓而問豎

王融曲水詩序

稱

萬壽以獻觴

閒居賦

愛敬篤於

一人

曲水詩序

儀型孚於萬國

藉田賦

是以祥光總至

九錫

傾四

海之懽

七命

神應休臻

七啟

廣符瑞之富

封禪文

荷天衢

揚雄文

建

顯號

封禪文

以隆德聲

廟志詩

以介丕祉

東哲詩

永永萬年

聖主

得賢臣頌

同乎大順

養生論

猗歟偉歟

賢良詔

貞

天子之表也

揚雄文

於是

聖上觀萬方之懽娛

東都賦

固知四隩之攸同

爲石書

隨流

而化

上林賦

恐貧窮者不徧被洋溢之饒

羽獵賦

迺動大輅

東都賦

鳴和鸞

蜀父老文

巡狩之儀

移書太常博士

備在典謨

五等論

勸

稼穡於原陸

東京賦

觀士大夫之勤畧

上林賦

簡車徒以講

聞音室遺文附刻

鍾

四

武

東都賦

振平惠以字小人

齊安陸碑

則有通溝大漕

西都賦

控

清引濁

吳都賦

靈物咸秩

赭白馬賦

河海夷宴

新刻漏銘

當此之時

東都賦

其勤至矣

長楊賦

而

皇情眷眷

齊安陸碑

又以見綏世之長御

五等論

威靈震乎無

外

七啟

往者

東都賦

西戎氏羌

燕然山銘

內相掩襲

陳琳文

于是我

皇帝拯之

石關銘

迺

命使西征

蜀父老文

鴻規遠畧

陸機論

遠撫長駕

蜀父老文

是時也

西京賦

元甲耀日

燕然山銘

高旗曄雲

光武紀

萬里克期

陳琳文

役

不再舉

爲石苞書

劍騎穹廬之國

石關銘

鬚首貫胸之長

王融曲水

詩序

莫不風馳雨集

講德論

蟬蛻內向

爲石苞書

曰

子虛賦

當今

皇帝盛明

與陳伯之書

物無不得其所難肅然歸德

運命論不

敢墮怠

喻巴蜀文

帝曰俞哉

景福殿賦

孚以誠德

齊安陸碑

涵之如海

答賓戲

迺遂封

山刊石

燕然銘

勲彝器

東京賦

酌憲典

吳都賦

分州土

東都賦

壹統類

非有先論

務耕織

賈誼論

是以玉衡正而泰階平也

長楊賦

若迺美政設施

講德論

其道甚著

移書太常博士

興農桑之

盛務

東都賦

養更老以崇年

閒居賦

發倉廩以拯貧窮

上林賦

浚城隍以備制度

兩都賦序

設程試之科

韋曜論

審刑德之原

策秀才文

勤民謹政

陸機論

雖有唐虞大夏成周之隆

羽獵賦

未

見有淇於茲者矣

陸機論

然而

聖上猶孜孜靡忒

景福殿賦

味道之腴

答寶戲

粵謨訓

劉峻論

考

文章

兩都賦序

馳驚乎仁義之塗

上林賦

翱翔乎禮樂之場

褚淵

幾以成務

齊安碑

葉而爲量者也

顏延之曲水詩序

於時秋也

秋興賦

斧之藻之

張華箴

固萬

碑

萬

上膺萬壽

顏延之曲水詩序

天晷仰激

宣猷堂詩

彤雲晝聚

功臣頌

功臣

頌

閭闔旣闢

陸機贈馮文熊詩

聖儀載佇

顏延之曲水詩序

天官景從

東都賦

受神人之福祐

長楊

賦

楊

藩國奉聘

東京賦

集華夏之至權

景福殿賦

玉燭陽明

東哲詩

詩

東哲

詩

東哲

金枝中樹

郊祀歌

淇桃盤屈

吳都賦

芝蓋九葩

西京賦

喬雲翔

賦

西京

賦

龍

魏都賦

巨象逸駿

陸機論

萬方輻奏

東都賦

備致嘉祥

東都賦

東都

賦

龍

魏都賦

巨象逸駿

陸機論

萬方輻奏

東都賦

備致嘉祥

東都賦

東都

賦

龍

魏都賦

巨象逸駿

陸機論

萬方輻奏

東都賦

備致嘉祥

東都賦

東都

賦

於是

天子俛然改容

封禪文

爰降詔書

褚淵碑

約文申義

尚書序

去

泰去甚

魏都賦

臣聞足於性者

演連珠

休徵自至

聖主得賢臣頌

弗

謂元漠

張華箴

晷緯昭應

顏延之詩序

今

朝廷純仁

長楊賦

德澤洪茂

講德論

受之自

天

郭林宗碑

福應尤盛

兩都賦序

方將俟元符

長楊賦

禔萬福

石闕銘

恢

皇綱

答賓戲

規億載

長楊賦

上哉曷乎

典引

蓋所以臻茲也

羽獵賦

豈不盛哉

講德論

若乃嘉穀靈草

典引

列僊之陬

南都賦

瓊

璧青葱

七命

翠雲崇靄

大將軍譙會詩

覲王母於崑崙

精白馬賦

要羨

聞音室遺文附刻

頌

太

門乎天路

西京賦

典而無實

引典

世莫得而云也

楊雄文

臣幸

得下愚之才

魏太子賤

正值

陛下昇平之際

求自試表美

盛德之形容

毛詩序

彰

天瑞之休顯

景福殿賦

按六經而校德

東都賦

規萬世而大模

東京賦

頓首頓首

引典

遂作頌曰

羽獵賦

天命有德

尚書維

清緝熙

毛詩

佑我

烈祖

尚書

奉三無私

禮記

基命定命

尚書

百祿是宜

毛詩

乃承敘

萬年

尚書

子孫保之

毛詩

其一

今王嗣厥德

尚書

剛健篤實輝光

周易

有嚴有翼

毛詩

惟幾惟

康

尚書

以臨照百官

左傳

小大之臣咸懷忠良

尚書

發於事業

周易

民有德而五穀昌

禮記

其二

位乎天位

周易

既歷三紀

尚書

受

天之祐

毛詩

自今以始

毛詩

樹德務滋

尚書

視民如子

施惠

禮記

無有違邇

尚書

其三

大孝不匱

禮記

德音是茂

毛詩

立愛惟

親

尚書

保艾爾後

毛詩

承天而時行

周易

綏我

眉壽

毛詩

惟曰欲至于萬年

尚書

受茲介福于其

王母

周易

其四

閔音室遺文附刻

頌

七

大觀在上

周易

有那其居

毛詩

天休滋至

尚書

史不絕書

左傳

鳳凰來儀

尚書

蟄蟲昭蘇

禮記

孚

于嘉吉

周易

實繁有徒

尚書

其百姓休

和左傳

聖人成能

周易

斂時五福

尚書

以莫不增

毛詩

順氣成象

禮記

信

而有徵

左傳

與

天

地參

禮記

三壽作朋

毛詩

其

仲秋之月

禮記

天子明堂

禮記

袞冕黻珽

左傳

濟濟翔翔

禮記

萬有千歲

毛詩

身其康彊

尚書

是謂承

天之祐

禮記

含萬物而化光

周易

其七

四方來賀

毛詩

會其有

極

尚書

王言如綸

禮記

恭儉惟德

尚書

量入修賦

左傳

好是稼穡

毛詩

如

百穀之仰膏雨焉

左傳

而萬姓悅服

尚書

其八

天壽平格

尚書

俾爾單厚

毛詩

因而重之

周易

如山如阜

毛詩

天

下爲家

禮記

小大稽首

毛詩

乃賡載歌

尚書

天子萬壽

毛詩

其九

謝

賜重刻淳化閣帖劄子

代

欽惟我

皇上治煥堯文學探義畫闡圖書之秘奧理統其宗究
篆籀之源流藝通乎道芸英薤葉惇古溯思邈之遺鐵
畫銀鈎

臨摹編鍾王之迹妙兼八體波趯悉中準繩帖寶三希
摸勒不差毫髮復以法書之刻彙于淳化之初冊府傳
流藝林永秘金壺浮藩刊在潭絳鼎汝之先銀錠成文
備有章草真行之體自嘉祐以後兩府之錫賚已希若

大觀重摹十卷之全神浸失惟畢士安之錫本爲蘇子容所家傳紙墨無雙品題第一久列石渠之寶笈

申命東觀之詞臣編次裝池鈎摹上石乃因王侍書之排類踳駁良多重以劉次莊之釋文沿譌滋甚元章長睿議論或刻而未公樓鑰姜夔考證縱勤而鮮當參伍旣臚衆說折衷爰定

一人證史傳而爵里具詳按時代而後先攸序登禹書於簡首功溯辛壬列韻篆於卷端文徵戊巳道隆萬世魯司寇繫之以官臣無貳心魏太傅必正其號辨永師之遺迹詎宜恩於右軍認李監之題碑何乃目爲秦相

褒貶寓春秋之旨論世可以知人次第易甲乙之籤訂訛斯能存是發凡起例體裁一稟

皇言沿波討源題誌並歸

睿藻于是鐫之翠石不徒誇夾雪之奇揚以溪藤洵已冠銘心之品龍跳虎卧結體則肥瘦得中豕亥烏焉識字則偏傍無誤敞

文軒而砌石如啟羣玉之山染

御翰以摛詞真挹帝鴻之海儲藏三殿鐵網總得珊瑚分賞百僚斗室皆懸虹月猶

念天祿校書之地玉署儲材成均造士之林金臺首善

並頒琬

謹避御名

俾作楷模捧出

彤墀垂露懸鉞之字裝開錦匣折釵屋漏之痕瞻星漢之爲章真游瀛島添金壁之嘉話不數鴻都臣等法昧撥鐙文慚授簡開函盥手頌

大化以還淳珥管論思欣

湛恩之徧渥用心正則筆正願砥礪夫同官觀天文與人文庶漸摩乎多士

雜著

送物上人還山序

丙戌之夏余與張少華同寓珠巢街相與譚湛冥山水之樂少華言方廣石梁之勝甚備秋九余出都門明年少華沒彥先不復賞琴自爾無有譚山水窟矣已丑春訪友臨海經行天台憶亡友之言杖策獨往遂晤物公於山中時日將晡急支筇游石梁篁竹千竿飛瀑飄灑徘徊至昏黑物公攜至方廣飯飯罷懸燈就宿物公亦竟去是夕月色甚皎余乃獨步至殿上殿燈熒然星布百盞東西僧寮分兩班班各三十人頌萬佛名經同聲

聞音室遺文附刻

序

士

合唱韻調迺亮殿東唱止殿西乃繼佛號透空瀑聲遂已將止未繼瀑聲飛起經聲水聲是一是二趨足彈指淒音滿耳空山夜半非人間世明晨卽與物公別爾時意在於游誠未暇與物公譚也去冬物公來京師寓法源寺休沐暇乃與物公譚知卽我鄉人少與少華同筆研斯已奇矣訊其來則自五臺訪北藏經不得因游京師欲請內府龍藏諸刻弓帙盈萬余慮物公宏願之不得遂也又嘗於雪中再訪之則物公病矣蓋以請經事不得行俟病愈且謀歸山今年春頗聞有代奏於朝者再往訊物公則有導之見誠親王王許之奏且

爲捐金三百兩於是京師之達官皆助資閱兩月得金
八百兩龍藏萬弓遂捆載以歸噫物公願力大矣志行
堅矣成就奇矣夫當其始至京也悵惘無所適僧徒十
人寄食蕭寺蓋不至窮困感額爲幸乃得邀恩朱邸遂
其夙志雖其遭逢有殊遇哉亦顧其積誠有以致之耳
抑非少華余不暇至方廣余不至方廣則物公又烏從
識余京雒間彼法中有因緣之說洵有之乎迺記其始
末送之還山

桐城張敬堂樂素堂詩序

鏗轟大呂喧傳堂陛之音疏越朱絃盡洗箏琶之響承
源流於樂府三百篇以降代有詞宗接衣鉢於風騷十
九首而來世多作者南朝金粉侈裁雲鏤月之篇北地
臙脂極刻翠彫華之句是以金裝玉炫居然航海波斯
而牛鬼蛇神非復渡河仙象矣敬堂皖口名家江東右
族鹽梅舟楫勲昭兩世之隆錫胙擔圭爵列五等之貴
攤一牀之笏乘朱輪者十人膺六代之封振瑤珂者七
葉門開畫戟武達文通座滿蟬冠龍超彪怒懿夫懸弧
賜第舞勺京華振丹山威鳳之毛具渥水文麟之骨裁

來巧藥王元禮體製清妍賦就鴛鴦徐孝穆風標綽約
斯已齊聲長吉日邊有才子之呼追步惠連輦下噪神
童之號泊乎旋歸梓里侍養萱堂閒漁獵於詞壇爰游
畋於藝苑甫賡銅鉢爭推秦國書懸纔出蠻箋貴盡洛
陽紙價而乃未見龍文一羈驥足桐鞋棕帽雲披天柱
峯頭醉月吞花人臥公麟畫裏吟成五字拔地堅城製
就長歌摩天巨刃于是蓬飄湖海藻泛東南履餘東郭
之穿衣■西華之敝白門楊柳盡酣歌結客之場板渚
烟花俱贈答言情之地山川鍊甕賣餅頻來烟月姑蘇
吹簫時至秋風彭蠡帆開廬埠之雲夜月羊城花滿越

王之國上書韓子三趨宰相門庭彈鋏馮卿初作諸侯
賓客雕龍術富何堪作屠狗生涯蠟鳳才多那許擅塗
鴉技藝聊操觚以率爾蓋達人大抵如斯且擁鼻以蕭
閒知吾子不寧惟是僕也誼屬葭莩交凝金石愧非坡
老曾親淮海英姿自契右軍常領謝庭羣季橫雲山口
聯吟竝騎猶今薛濺湖邊茗碗詩筒如昨今者北征南
邁雲樹遙天零雨晨風琴樽異地三秋有慕忽來江上
鱗書千里而遙爲錫枕中鴻寶似入七襄之室錦繡連
章如登元圃之峯琅玕滿握直廬清暇猥贅弁言不避
管窺寧辭蠹測倘謂祝敵作唱我其汗顏多慚若云磁

聞音室遺文附刻

十四

石引鍼君應掀髯而笑

幾社考

社之事非獨天子元侯所有也古者成羣置社士庶人皆將有之蓋百室之居命之爲社則社乃鄉曲之事而非聲聞天下者之爲也明季諸公倡爲社事明涇陽之學振東林之緒則有張天如領袖婁東夏彝仲宗盟白苧婁東有復社國表之刻雲間有幾社六子之會皆起於崇禎己巳歲顧人謂復社名動函夏幾社歎爲不如者非也復社人才以多爲富得列姓氏通縞紵者殆萬有餘人于時赤羽警於三輔烽燧達於甘泉二三君子方留連文酒與貂璫遺孽隱樹敵國卒至蕭蘭同器梟

鸞接翼水火之爭未息而綸扉鞠爲茂草矣何所取哉
幾社者取友至慎也約法至嚴也始自六子曰夏彝仲
曰陳臥子曰周勒卣曰徐闇公曰彭燕又曰杜仁趾布
衣雄於虎頭諸生席皆龍尾枕荏經史砥礪名節非博
求聞達之爲也壬申文選後稍加廣焉然亦鄭重不苟
若農山公杜門謝客陳夏造廬歎爲天下才乃復橐筆
入社則社中之取友可貴矣陳夏晚節光華史冊松人
至今猶慨慕名德焉厥後夏存古爲得朋之社徐闇公
率社中子弟爲求社振前輩之芳塵抱名山之絕業流
風餘韻猶有存者迨彭古晉須友堂之會一時刑牲執

耳鄉曲胥隸皆登社版然磨至烏散率皆不久繼又有
田髡淵董蒼水爲春藻之會姜萬青陶穎儒爲大雅之
會自是而社事不復舉矣夫社以會文非聲氣之淵藪
也文以取友非進身之羔雁也若必聚徒設藹使人目
爲黨魁則東漢之黨錮南渡之道學吾猶無取其名矣
又況乎才不及君厨學不逮關閩者哉

孝簡先生私諡議

先生姓王氏諱永祺

恒齋先生歿既大斂之明日吾黨欲私諡先生屬

嘉會

具草

嘉會

謹獻議曰按士冠禮古者生無爵死無諡先

生不登於朝則易名之典未可議也雖然禮家有言諡者行之迹有諡則有諡魯莊之諡縣賁父也曰士之有諡自此始也則士之有諡古也又曰幼名冠字五十以伯仲死諡則士之有私諡古也先生自少食貧然事祖母吳太孺人母黃太孺人能以孝養聞載陽先生歿於河南族姪之官舍也先生聞訃悲慟幾絕時祖母吳太孺人年已七十餘矣亦驚泣成病漸不起先生經營喪

葬慘悴極人所不堪於是奉太孺人遷居於鄉棄老屋數椽給太孺人朝夕遂重趼入豫斯時也匱已失其旗識徬徨涕洟匍伏於青燐野水之間行道之人皆弗忍也後奉太孺人四十餘年服勤至死不飲酒不茹葷斬衰三年未嘗徇俗以墨衰謁客嗚呼先生之修於家者可不謂孝歟謚法能養能恭曰孝先生蓋有焉先生品至醇學至博然未嘗責人以所不足嘗歎俗學之不足爲教也授子弟經史必以全書期於貫穿而後止經義自鄭服而下迨宋元名儒鉅公微詞精旨靡不揅討洽聞然素不喜炫奇矜博及乎嘗議前哲聳人聽聞以故

人亦不能盡知先生晚年尤尊服宋儒臨終猶誡子弟以熟復小學一書嗚呼此豈淺學之人所能識哉諡法平易不訾曰簡先生蓋有焉今先生歿矣生而無位死有其號寧可不易其名而終將諱之歟今私諡之曰孝簡先生還質諸吾黨焉謹議

姚平山先生傳

先生姓姚氏諱培謙字平山號松桂世居雲間今之金山縣五保王父諱廷聘邑庠生父諱宏度內閣中書中書公始遷居於郡城之北姚氏由前明入

國朝子姓多以科第起家遂蔚爲我鄉望族先生生而穎異善讀書重交游弱冠補邑庠生再試於鄉不利輒復棄去遂發憤著述云吾鄉自明季陳夏結幾社狎主乾鑿東南名士雲集鱗萃降及春藻大雅流風餘澤猶有存者先生慨慕其爲人乃設文會於家塾寓書走幣締交於當世之鴻才駿生而東南名士亦翕然從之於

是開北海之尊下南州之榻一時孟樂縞紵之勝幾徧
大江南北而雲間之聲氣亦駿驥乎復古矣家故多藏
書湘簾槭几校理不倦一字之疑羣書比櫛必疏通證
明而後止於排類比纂尤爲專門予嘗論之文人相輕
今古一轍矜才筆者以厨麗爲拙資故實者又以剽賊
相詆兩家之論皆不足憑至如偶拾詞華侈譚藝苑乃
對魯壺則無能數典考羽觴而未讀逸詩籍談摯虞之
流往往而是然則先生之學一以博聞多識爲宗其殆
力矯末學之弊哉性極友愛太孺人歿後則析其家爲
二而已則減產以讓伯兄以兄多子女累也宗黨義焉

尤慷慨任氣故賓至雜還客座恒滿或有病之者先生
曰昔劉惔謝譙史皆稱其不妄交接門無雜賓而鄭莊
誠門下客至忘貴賤執賓主之禮由是聲聞梁楚間人
之爲通爲介亦適其性而已然卒以是受困中歷憂患
晚而家益落乃其讀書詠歌則終始如一曰也生平著
述不名一家自著有松桂堂詩文全集若左傳杜注通
鑑綱目節鈔類腋諸書博覽子史穿穴義疏尤爲一生
心力所萃云先生生於康熙三十二年癸酉歿於乾隆
三十一年丙戌享年七十有四娶陳氏先歿子太
學生先生之易簀也余不獲別而治命其孤以此傳爲

請予與先生中表弟也少日過從留連文酒豈意尺波
電謝音聲蔑然今日過山陽之舊廬撫人琴而追悼能
無泚筆而重慨哉乃爲謨次還以遙質先生於九原也

孫中溫

謹校字

三